

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第三六五冊

責任編輯：孫言誠 賀 偉

ISBN 7-5333-0615-5



EB36/06

四庫全書存目叢書·集部三六五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 48.375 印張

1997年7月第1版 1997年7月第1次印刷

印數 1-100

ISBN 7-5333-0615-5

Z·60 集部定價：127800 圓

集部第三六五冊目次

集部・總集類

奇賞齋古文彙編二百三十六卷(七)

〔明〕陳仁錫評選
北京大學圖書館藏明崇禎七年刻本

..... 一

秦漢文尤十二卷

〔明〕倪元璐編
南京圖書館藏明末刻本

..... 四七一

奇賞齋古文彙編二百三十

六卷(七)

〔明〕陳仁錫評選

北京大學圖書館藏明崇禎七年刻本

附《四庫全書總目·古文彙編

二百三十六卷》提要

奇賞齋古文彙編目錄卷二百十三

碑
神道碑

周上柱國齊王憲神道碑 庚信

周大將軍司馬裔神道碑 庚信

周大將軍賀樓公神道碑 庚信

周隴右總管豆盧公神道碑 庚信

周大將軍崔公神道碑 庚信

周大將軍拓拔儉神道碑 庚信

周兗州刺史宇文公神道碑 庚信

奇賞齋編
卷二百三十一

選集

奇賞齋古文彙編卷之二百十三

史官陳仁錫明卿父評選

碑

周上柱國齊王憲神道碑

庚信

昔者軒皇受姓十有四人周室先封十有五國自爾承基纂胃保姓受氏雖復千年一聖終是百世同宗故知晉之東京既稱炎漢再受今之周曆即是鄴都中興公諱肅字毗賀突恒州武川人也晉太康之世據有黃龍魏孝昌之初奄荒玄菟太祖以百二諸侯三分天下函谷先登鴻溝大定功業如此人臣以終

奇賞彙編

卷之三

一 選集

公合章天挺命世誕生降太一之神下文昌之宿珠角擅奇山庭表德儀範清冷風神軒舉聲動廊廟光華城闕未逾齟齬已議論天下事人或曰是謂若木一枝傍蔭敷國長河一直自然千里風飈欲遠光景將昇後魏二年封涪州縣開國公時年五歲也虹蜺滿野是廢當途之高鸞驚鳴岐實始維新之命國家光宅受圖欽明秉曆大風初卷長沙始封周元年進爵安城郡公食邑二千戶仍授使持節騎騎大將軍開府儀同三司開府同於馬駿秩擬六卿驃騎等於劉蒼位高三事宗子維城彼多慙色武城二年授使

持節大將軍都督益壽寧等二十四州諸軍事益州刺史收封齊國公食邑萬戶公時年十有六王武子以上將開府未滿立年荀中郎爲十州都督才踰弱冠方之於公已爲老矣加復營丘負海齊桓公受服之城岷山導江漢武帝求仙之地自非各陵派竹聲振沉黎豈得南至穆陵西登積石幸無白廟之力寧待黃龍之盟卽符長威微盧仰德生爲立廟刻石頌功成都有文翁之祀非謂生前漢陽有諸葛之碑止論身後比之今日豈可同年而語哉保定四年與大司馬蜀國公周金墉城師臨洛浦則廣武營奔兵上

奇賞彙編

卷之三

二 選集

印山則河橋路斷八川風俗五方名利鐵市銅街風飛塵起天和元年徵還行雍牧公以日月之明威神其政漆沮既從荆岐即又少陽用事路不喘牛仲秋以殷民無驚水二年拜大司馬仍理小冢宰營室殿軍器太監天官以邦國爲基是司六典夏官以兵戈爲主專謀七德是以器械填委旣包吳漢之功官殿嶂嶸彌狀蕭何之法時以白露涼風務閑農隙督兵三萬出自空陽拔伏龍之城平姚萇之壘馬陵削對魏將路窮平陰聽鳥齊師其遁天子冢弟禮絕羣公仁義所往事資道德建德元年進爵爲王仍拜大軍

宰姬旦封于曲阜不廢居中劉交國於彭陽無姓常
從豈直周召二南並居師傳晉鄭兩國俱爲卿士而
已哉匈奴突於武川燿火通於灞上公速職巡御治
兵朔方馬邑星飛龍城月動繞留卑出漢書匈奴傳一作蒲桃非
之酒經略不前失烟支之山下馬而去東郊逆命反
道敗德囚箕子於寒庫罵文王于王門天子將有孟
津之師召公獨議公報以誕應天命克成厥勛昔者
秦昭起師於蜀直問張儀晉武用兵於吳惟謀羊祜
於是中軍無師僉曰有歸五年拜上柱國元戎東討
給王鉞騎二萬先襲太原平建麾兵天離轉戰虎嘯
奇賞彙編 卷三 王選集
風騰雲飛電掩林胡秦栗詎得充饑晉陽秋蒿何
拒防又加王精兵六萬長圍晉州然後六軍星陳萬
騎雷動中權始及前茅已戰自爾即爲前鋒橫行入
鄴觀彼車徒槐本馬驚旋浮積甲高昆陽之城尸封
塞富平之水莫不如彼建瓴同斯破竹一朝指揮六
合大定是用光昭下武翼亮中都足以撫祖宗之宿
解生民之怨讐方當待彼石閭部斯王鼓經緯天
地光華日月既而赤烏夾日黃熊入寢實沉無祀系
不祭宣政元年六月二十八日薨春秋三十有四
李友之亡晉可知矣齊喪子雅姜其危哉公器宇淹

曠風神透遠幾鏡照臨山河容納置罇待酌懸鍾聽
叩聲動天下光照四鄰武皇帝以介弟懿親特垂愛
受而密謀奇策加禮敬焉常謂左右曰孔子云自吾
有回門人日親其齊王之謂也用之作宰則萬方協
和用之撫軍則四表懽伏豈直阜繇爲士國無不仁
隨會爲卿民無羣盜愛散書籍敦崇禮樂管絃入耳
則溪谷俱調文雅沿心則烟霞並韻養由百發落雁
吟後應奉五行綈細縹帙雍容舉止抑揚談論當世
以爲楷模晉紳以爲軌範則少有壯志頗拔兵書玄
水降靈穀城授策飛風長柳月角星眉莫不吟誦在
奇賞彙編 卷三 王選集
心撰成於手所著兵法凡有五卷六韜九法不用吳
起舊書三令五申無榮孫武先誠可謂有忠孝焉有
壯武焉不自驕矜謙光下物宋人獻玉不貪爲寶百
成子高守仁爲富不謂以信致欺爲善非樂天年不
享嗚呼哀哉以某年月日葬于石安縣洪濱川之里
原陽悽愴理於盛德幾年丘陵搖落蘊於才良永矣
乃爲銘曰
悠哉朔方逃矣窮陰山連鳥道地盡龜林重黎業大
伯翳功深胃其積德必有君臨太祖撥亂喪君有君
計迴地軸策動天文猶臨赤水尚復黃雲諸侯八百

天下三分公之。挺生寶惟天。假翠微神降文昌。星下照于四國。克于兩社。舟楫江河。棟梁華夏。水通詞鋒。風飛文雅。純深之性。地極天經。忠貞之道。事感百靈。君親惟一。臣子惟寧。忠泉出井。孝笋生庭。乃宰天官。爲國之輔。是居上將。爲天之柱。乃聖乃神。惟文惟武。策高開關。威移雲雨。九宮神略。三術謨明。天離轉座。月德迴兵。黎陽水駭。官渡山驚。冀州旣截。東原底平。溟海欲運。弱木崩危。中峰岳斷。半海鵬垂。鳳沉丹穴。龍亡黑陂。臨淄廢市。東武山移。千齡萬古。英聲在斯。憲爲宣帝所忌。誣以逆殺之。其子俱被誅。此文皆奇賞彙編 卷三十三 五 題集

周大將軍司馬肅碑

庾信

公諱肅字遵胤。河內溫人也。昔顓頊之命。始則南正司天。重黎之後。又以羲和掌曆。夏陽適晉。得隨會而回。奔東海。避秦與毛公而俱隱。其後金行。受命玉筍。南遷帝系。極於輿圖。中朝至于江表。曾祖楚之。晉太傅錄尚書楊州牧會稽文孝王之次子元顯之。幼弟也。元顯見害之後。桓玄篡逆之初。爰自鄙亂。客身屠

釣河內道左。抱劍長號。代郡城前。慟悲靈祭。江淮志節之士。汝穎風塵之客。感激一言。咸多依附。既而雲生伏龜。星出鯨魚。太白經天。蚩尤映野。公乃收舍。餘燼泣血。登陴臨武。牢之關據成臯之坂。擁衆萬家。婦於魏室。魏明元皇帝遙授平南大將軍。荊州刺史。封琅邪郡王。尚河內公主。命王承制從賓國之儀。於時宋兵憑陵。旗鼓逼虎牢。不封金。庸無援。魏太武皇帝授王使持節。侍中。安南大將軍。開府儀同三司。給前後部鼓吹。元戎啓行。志雪冤耻。登壇慨三軍。掩泣黃河。漕粟已出。石門仕馬連旗。將臨野坂。旣而雲中析起。代郡烽燃。反旆南轅。途窮北略。贈征西大將軍。都督梁益秦寧荆兗青豫郢洛十州諸軍事。揚州牧。司徒謚貞王。祖金龍封琅邪鎮西大將軍。儀同三司。吏部尚書。贈司空謚康王。父悅鎮南將軍。豫州刺史。漁陽莊侯。以荆河刺舉。時值亂離。擧起蕭牆。遂終非命。公遺腹載誕。流離寇逆。復辟襁負。深山擁計。程嬰之匿趙武。從役家臣。王成之藏李燮。爲備酒市。遭大夫人憂。苦艸墳塋。以終灰燼。形骸毀瘠。逾於喪禮。年十有五。始歸家事。楹前鑒柱。即取遺書。石上開松。仍求故劍。出身司徒府參軍。除中堅將軍。員外散

騎常侍值魏室多難所在蜂起孟津以北無復封畿
嵩山以南即爲鋒鏑公建議修武立柵溫城函谷西
封河橋北斷長亭籍馬並入武城百里租車咸輸溫
縣太祖文帝締構關都經綸夷阻招攜以禮懷遠以
德馬文淵之擇主去隴坻而歸身賓周公之入朝在
河西而奉詔大統七年蒙授平東將軍北徐州刺史
十年河內故義四千餘家願立忠誠須公衣錦乃授
使持節領河內太守加前將軍懷州拓境兩鎮奔波
柳泉轉戰三城授首十三年太祖召山東諸立義之
將旌率衆入關者有加重賞公率先而至領戶千室
奇賞彙編 卷三 七 選集
即以爲封固辭不受其菽粟之賜或以指囷馬牛之
賞將同量谷朝廷以華陽西極漢水東流歎孟達之
奔兵惟劉封之失策魏前元年後鎮漢中除白馬城
主領華陽郡守昔稱導漾今聳上滯烟沉火井雨歇
雲門其年授大都督加散騎常侍柱國蜀國公開金
牛之道通牧馬之關公卷甲北塞懸軍東馬遂得策
預設萌勳參綿竹封龍門縣開國子蒲州刺史仍領
新州尋授使持節車騎大將軍儀同三司大中正隆
周授圖天保大定以公才望仍爲舊臣遂乃義深追
遠恩隆繼絕即改封瑯邪縣公邑五百戶仍遷驃騎

大將軍開府儀同三司都督巴州諸軍事巴州刺史
武成二年被勅赴援信州魚復道阻屢却岑彭荆門
水急幾沈吳漢公乃月峽先登瞿唐直上天子以公
操履忠勤儀刑亮直乃徵爲大御伯尋轉大御正邑
一千一百戶樞機近侍出納絲言所謂多識舊章殿
中無雙者矣四年大軍東討公所領義衆先守枳關
授都督懷州諸軍事懷州刺史偃師張幕河陽牧馬
雖接戰於富平已連營於官渡五年詔追還拜始州
刺史更封信州賊山彭尋寶渝恃險峽路五尺鉅釣
纔通縣水三門橋飛齊渡既而風行少偃谷靜山空
奇賞彙編 卷三 八 選集
前後平十一城獲九千餘口馬蹄平樂金輪水衛天
保二年除信州刺史都督信州諸軍事朝發白帝暮
宿江陵氣振巴丘之兵威警建平之戍五年遷潼州
刺史益州柱國公降帝子之重鎮天井之星延閣擬
於鼓臺岷山方於代郡公仰稟雄謀參謀遠略故得
身預舞陽之功位極長平之寵六年授使持節大將
軍大都督西寧州諸軍事西寧州刺史方欲開洙若
微牂牁見夜郎之候習昆彌之戰而飛鳶墮水馬援
去而亡歸金馬騁光王褒行而不反嗚呼哀哉七年
正月十日夢春秋六十有五詔贈使持節大將軍懷

邵汾晉州諸軍事懷州刺史夫人襄城公主魏獻帝
之曾孫趙穆王之季女王姬肅恭瑜翟禮典四教疏
莊三星令淑有光隆慮之賢足表平陽之盛生則從
夫以秩歿則同穴以禮建德元年八月十二日合葬
於武公三時原大夫墓封以柏諸侯墳高於雉吁嗟
滕公來居此里詔謚定公禮也公資忠履孝蘊義懷
仁直幹千尋澄波萬頃逢蒙射法力牧兵書星辰高
下之占風雨逢迎之氣故得師出以律天幸將軍者
也至如官曹案牘未常煩壅戎馬交馳不妨餘裕足
使四岳彌峻三台更明在朝四十一年身經一百餘
奇賞彙編 卷三十三 九 選集

戰凡任四郡歷八州未嘗以貨殖經懷去如始至渭
南千畝之竹更瞿盈滿池陽二頃之田常思止足身
歿之日家無餘財素車白馬狹室崎嶇黃腸玄甲增
庭反陋有詔冬官爲營寢室朱邑祭醉無所漢后是
以賜金陳表妻子露立吳王爲之開館嗚呼哀哉世
子侃孝家忠國揚忠顯親是以勒此豐碑懼從陵谷
植之松柏不忍凋枯銘曰

欽若曆象平秩寅賓少梁華地入咸秦族夷典馬
書窮獲麟玉鏡云始金行乃構象浦通關龍沙開候
上穆石起河陽水闢五馬南浮三星東宿太傳作牧

奄有江淹司徒避亂承制荆河南勞推轂猶思枕戈
龍媒被墊蒼兕凌波壯侯季年禍機相接誕公遺嗣
崎嶇懷挾山竄趙武家藏李燮伍員道阻燕丹路遙
南奔楚塞北避秦橋水流登隴寒風度遼有功都護
則重嫖姚懷書上馬習禮從戎陣圖六甲兵占八風
藏松寶劍射柳凋弓推誠賈復屈節廉公八翼頻飛
六條丞秉勇此仁義行茲寬猛持印山開沈黎盜靜
取甲無丘均田不井懋功賜爵上將賞官軍中受詔
塞外登壇方屠參合更磨臯蘭淪川毒水變道災氛
地亡都尉灘悲使君谷寒無日山空足雲北風吹燒
奇賞彙編 卷三十三 十 選集

秋霖泣軍遣奠雙設銘旌雨布沁水同墳平陽合墓
悲哀嗣子攀號靡訴慟甚風枝悲深霜露自此何世
從斯幾年麒麟欲開華表中焚地形樓起松心蓋圓
茫茫丘壟代代英賢

庚信

昔者軒丘命氏初分兄弟之姓若水降居始建諸侯
之國自是以官爲族因地爲宗水派枝分其可知矣
公諱慈字元達本姓張清河東武城人也仕于周張
仲爲孝友謀於晉張彥爲賢臣韓有開地則五世強

國趙有孟談則三卿不戰祖慶少習邊將憑伏智勇雖復五車行簡不取博士之名一卷兵書即以將軍自許角端在手必無齊魯之侵蓮花挿腰甚得蛟龍之氣爲車騎大將軍儀同三司散騎常侍霸城開國伯贈河州刺史父璨公子公孫有鑑基於天下良弓良冶有世業於家風書則百家可知劍則千人可敵三槐以鶴鼎象物知其神奸五等以桓珪旆瑞守其宮室君以才望兼而有之終於使持節車騎大將軍儀同三司散騎常侍武定縣開國公贈秉河州刺史兼山岳之靈受星辰之氣年在髫髮甫就勝衣竹馬奇賞彙編

成侵宋柱國趙王今上之第九弟也文則河間上書武則任城置陣作鎮岷丘陽於錦水白虎之俗難安黃龍之盟不定以君智畧入佐中權天和元年授使持節大都督治柱國總府司錄仍轉司馬餘官封如故相如西喻鏤石於靈山武侯南征浮船於瀘水方之今日彼獨何人九品課工爲上之下四年入朝歸事宰旅即受載師大夫將命齊國尋盟出境即用和鄉入國聞喪仍從會葬之禮可使南面此之謂乎尋以本官入治軍正至如渭水兵書存心爲志軒丘陣法聚石成園既得師不疲勞兵無怨讟人陪中禁更領儀同邸客城池門關戶籍咸資巡警並用司存帝城近臣公室密戚如逢司隸似畏都官既而孤城嫗嫗不相其年巴水深翁不醫其疾春秋三十有三捐官舍呂子明之疾甚歎軫吳王阮文瑜之長逝悲深魏主有詔贈某官禮也以建德四年三月日歸葬于河州苑川郡之禁山公六郡良家西河鼎族地壯金行人雄塞氣兵書七卷河水浮來射法三篇天狐夜下鋒旗不息刁斗恒驚猶得馬上讀書軍中習禮太史子儀善於謀策諸葛公休長於撫馭四代儀同三司七世河州刺史鍾陽成烈冠蓋連陰謂生爲貴

臣少爲貴神者也。但以遊竟久客反莽途遠道阻山
長妻孤子幼哀聲滿楚愁氣連雲况復松檟飄飄方
臨武威之戍丘陵廻遠直對臨洮之城馬援亡于武
溪尸恆返于魏里梁鴻歿于會稽妻子歸于平陵嗚
呼哀哉嶮崎遠矣晉者繁昌祠前即有黃金之碣德
陽基下猶傳青石之碑是謂勒功乃爲銘曰七葉佐
漢五世相韓忠臣入仕孝爰當官青城仙洞黃石祠
壇臺堪走馬書足迴鸞武定風騰道城嚴肅並馳雙
傳俱分兩竹重世刺舉連鑣袞服少靡青丘風馳赤
谷世不乏賢挺茲上嗣孝有三惠忠無二志劬足身
奇賞彙編 卷三十三 三 選集
挺書堪面試旂節既乘高驪且珥龜轉印函蛇盤綬
箭左右將軍前後常侍繼踵五侯因循三事旂旒九
坂臚舳雙流還驅木馬更引金牛江波錦落火井星
浮躡酒望帝安歌蜀侯受服河陽偏師洛浦置陣成
車連旗廣武朝兵減竈夜營多鼓箭起六廢鋒摧九
虎倏忽人世俄然今古崇祭兩星暨驚二豎遊覓通
夢言返舊塋紫泥賜丹黃賜贈行途登石紐路入金
城寒關樹直秋塞雲平劍埋合柱書藏鑒楮武侯爲
廟樂公爲社雲蓋低臨電裳紛下碑枕金龜松橫石
馬永矣身世留名華夏

周龐右揔管長史贈太子少保豆盧公神道碑
庚信
君諱永恩字某昌黎徙何人本姓慕容燕文明帝統
之後也朝鮮微子之封孤竹伯夷之國漢有四城秦
爲一戾其先保姓受氏初在柳城之功開國承家始
靜遼陽之亂自天市星妖連津兵覆尚書府君改姓
豆盧筮仕于魏祖代左右將軍魏文皇帝直寢父長
少以雄略知名不幸早世周朝以公兄弟佐命義存
追遠保定二年有詔贈柱國大將軍涪陵郡公是知
春雨潤木自棄流根西伯行而推存及歿公以山岳
奇賞彙編 卷三十三 高 選集
精靈星辰秀異氣侔鍾鼎聲威風雲觀于秦兵尚稱
童子對于楚戰猶在青衿太祖文皇帝乘時揆亂奄
有霸業潁州從我舊愛無望春陵故人相知惟有普
泰二年關西建義授殄寇將軍奉迎大駕賜封新興
縣伯邑五百戶開新安之郡還移揚僕之關解弘農
之圍更入劉昆之郡援梓併轡並預前驅大統三年
有沙苑之戰四年河橋之役介冑蟻聚戎馬生郊公
應變愈長風飈更勇隱若敵國強人意授龍驤將軍
中散大夫八年授直寢右親信都督尋轉大都督加
通直散騎常侍十六年授使持節車騎大將軍儀同

三司魏元年授驃騎大將軍開府儀同三司鄧騭以漢朝親戚始授中台黃權以魏國功臣初登上將公頃頗寵授朝野爲榮三年都督成州諸軍事成州刺史尋加侍中外愬連帥振威百城內參常伯榮高八舍于時隴坻無恙時穿上谷榆中郡賊或聚灝陽公卷甲星馳長驅千騎迴洛兇徒率眾少靡州豪便束手歸軍後魏元年改封龍支縣侯二年朝廷使大將軍安政公隨突厥吐蕃軍歸國河部二州屬當路首公領騎八千以爲戍防南通并粟西望蘭關寒無虞公之勲也周元年授都督鄆州諸軍事鄆州刺史

奇賞彙編

卷三十三

五

其年改封沃菴縣公增邑千戶二年授隴右總管府長史武成元年都督利涉汶三州諸軍事利州刺史五千兵破文州陽陣蠻仍平瀘水以保定元年將破巴州恒獵獠度瀘五月葛亮有深入之兵長坂九迴王尊有忠臣之路霜電不驚水少無乏天幸將軍斯之謂矣某年授司會八法斯掌九賦是均事總歲成功參日要三年還授隴右總管府長史公屢弱英番頗相大府北海入朝仰以對門東平謁帝因而定禮遂使馬育懷燕不無樂殺蕃臣擬漢或多因叔兄楚國公以參和挹讓莊黃樂推建國開都奄荒南服

求以先封武陽郡三千戶益公沃野之封朝廷以兄弟相讓不無前史推思分邑有詔許焉增邑并前合四千七百戶既而六氣相犯五聲相觸靈壽不終遊寇且變薨於官舍春秋五十八詔贈少保幽冀定相等五州諸軍事幽州刺史謚曰敬公禮也天和元年二月六日葬於咸陽洪濱州大夫墓祠以柏諸侯墳高于雉鳴呼哀哉公資忠履孝蘊義懷仁直幹百尋澄波千頃留心職事愛玩國籍官曹案牘未嘗煩委戎馬交馳不妨餘裕兄弟公侯國朝親戚空春有湯沐之盛濯龍無流水之機渭南千畝之竹尚懼盈滿

奇賞彙編

卷三十三

五

咸陽二頃之田常思止足身則十世可有遺子則一經而已刺史賈逵之碑既生金粟將軍衛青之墓方留石麟乃爲銘云朝鮮建國孤竹爲君族稱高柳山名密雲遼陽趙裂武遂秦分寶珪世胄雕戈舊勛名稱賓賓言謂身文擬此含章降茲岐嶷有犯無隱王道正直唯愛唯敬永成悅色枕籍禮園留連學植策參帷帳功被荆棘韓陣揮戈齊城憑軼豹策乃建龍韜同啓校戰頃陽中歲隴坻城壘畫地山林聚米上馬諭書臨戎習禮賈復開營廉公屈禮從容傳會占對造請用此廉母終茲寬猛綠林兵息潢池盜靜名

振赤山威高青嶺玄獸浮河飛嶼出境災氣出隴
水侵涇朝傾地鎮夜洛台星石壇承祀豐碑頌靈渭
城前栢昌陵下庭須知地市爲讀山銘

周大將軍崔公神道碑

庚信

公諱說字某博陵郡安平縣人也。晉者華陽之野降
龍首之神。烈山之都。啓龜文之繇。匡周則盟津有會
佐夏則龍門始鑿。西遊則起家秦相。東入則載世齊
卿。備乎史籍。可得言矣。祖辨中軍將軍定州刺史父
楷鎮北將軍司馬烈侯。並厲風霜。俱張鋒穎。邸史登
迹。官曹凜然是謂鮑恢。都官百城振恩。葛豐握節。京
奇賞彙編 卷百十三 七 選集
師歛手公特稟英靈。偏鍾山岳。雄姿俊茂。眉目疎朗。
觀虎於檻。齧髮不驚。樗象於船。勝衣能對。至於拉虎
羈熊。摧班碎掌。忘歸繁弱。落鴈吟猿。故得氣蓋關中。
咸申河外。解甲領軍府錄事。轉諮議參軍。時當塗失
政。在權門始論函谷之兵。即起韓陵之戰。太師賀
拔。勝作牧西荆。公爲假節冠軍將軍。防城都督。夫南
陽失守。卷甲奔梁。樂毅羈旅。猶思燕路。陳軫陰懷。終
戀秦聲。幸值和鄰。言歸舊國。授衛將軍都督。封安昌
縣開國子。食邑三百戶。弘農剋復。沙苑揮鋒。進爵爲
侯。增邑并前一千一百戶。信珪則更受司勳。穀璧則

還輸典瑞。鐵馬有河橋之戰。戈船有汾水之兵。除京
兆太守。移民下邑。未學邊韶。走馬章臺。不同張敞。遷
帥都督。持節撫軍。通直散騎常侍。大都督。尋遷使持
節。車騎大將軍。儀同三司。都官尚書。定州大中正。五
曹奏事。有朱穆之忠。九品論人。見楊喬之直。改封安
國縣侯。益邑合前一千四百戶。賜姓宇文。改名爲說。
漢王改婁敬之族。事重論。都魏后。變程昱之名。思深
操。日遷車騎大將軍。開府儀同三司。加侍中。實憲連
官。單于之寶鼎可致。張寬固位。渭橋之流星可識。司
木七工。旣掌丘陵之賦。司會六典。乃均邦政之才。居
奇賞彙編 卷百十三 八 選集
官得人於斯。爲盛進爵。爲公改封萬年縣。通前二千
四百戶。除隴州刺史。都督隴州諸軍事。隴坻路通。秦
川望遠。鄧仲華之不去。馬文淵之願歸。尋除涼州刺
史。總督河西。甘瓜諸軍事。地似伏龍。城如飛鳥。燉煌
實錄宛在胸襟。玉門亭障。無勞圖畫。有馬如羊。不以
入廩。有金如粟。不以入懷。柱國齊王。今上之介弟。龔
行薄伐。問罪河陽。以公爲行軍長史。參謀帷幄。中軍
之司。旣舉魏絳。上卿之佐。實用荀林。以公方之差。無
慙德除。使持節大將軍。大都督。崇德安義建忠九曲
安樂三泉伏流周張平泉固安蠻通谷凡十三防禦

熊和十三州黃蘆起谷王晏供超牽羊溫脈交河大
嶺避雨木柵寺一十成諸軍崇德防主室陽上地更
有秦兵熊耳山前還逢積伏用是連營由谷獵騎黎
陽威振兩河名陵三晉改封安平縣公淮陰一國韓
信之故人戶牖萬家陳平之鄉里公此衣錦足爲連
類建德四年正月十日薨於長安之永貴里私第春
秋六十有四詔贈敷延丹綬柏五州諸軍事數州刺
史謚曰莊公禮也即以其年二月二十四日葬于京
兆平原鄉之吉遷里北陵追遠大司馬有賜綬之恩
西京贈行冠軍侯有詔葬之禮嗚呼哀哉世子儀同
奇賞彙編 卷三 元 選集

星辰主客劔起沉犀弓開伏后楚后讓盟秦君還
百齡危脆千仞摧藏諸侯地裂遷將星亡輕車騎士
玄甲黃腸杜如齊地廟似桐鄉銘功贊惠碑闕相望
周柱國大將軍拓拔儉神道碑 庚信

蓋聞放勳立而義和昇重華登而元凱用思皇多士
既成西伯之功俊德克明乃定南巢之伐是知惟賢
非后弗食惟后非賢弗又若夫君臣一惠啓心沃心
見之昌寧文公矣公諱儉字慶明恒州高陸人也北
岳天孫之星燕河帝子之國故多奇節甚茂華風高
奇賞彙編 卷三 元 選集

關圖南二王齊軫長城拔木十族分源高祖太尉北
平王光輔五君允釐百揆恒衛旣從淮沂其又祖
龍驤將軍恒州刺史常山刺舉非無取伐之符龍驤
總戎或似平吳之號父藏年止弱冠榮終解印公以
五常蘊智六氣資德乘天則策馬乘靈降神則牽狼
應象直心於物水火恬然亡負於天雷霆不愆富貴
自取豈資唐華之言聲名有聞亡勞李膺之識年十
八解褐貢外散騎侍郎尋授輕車將軍羽林監太祖
文皇帝駕馭天綱苞羅英傑選公才德光佐中書諸
葛亮之西歸王壘成三分之業管夷吾之入仕葵丘

有一匡之功天水黠羌漁陽羣盜乃遷泰州刺史長史防城大都督封信都縣開國伯三年滑州蟻聚保郭沉命靡旗亂轍乘冰渡河丞相大行臺授假節撫軍行滑州刺史大統元年授持節東夏州刺史加散騎常侍鄧支抱馬如聳耿秉之戰單于願識似畏王商之威五年遷使持節鎮東將軍都督東北三夏州諸軍事西夏州刺史增邑千戶改伯爲公旣而江漢遼遠車書未莫蜀主的顧未出檀溪之水秦王飛雉猶向陽之城六年以公爲使持節都督三荆二襄南雍平信江隨鄧浙一十二州諸軍事荊州刺史東

奇賞彙編

卷三十三

主選集

南道行臺僕射楚城鄰境實有讓田吳人對營無妨贈藥部內屬城爲人所訟公遂集文武肉袒自罰兄弟不讓延壽責躬吏民有過翁歸引咎天子異之璽書勞問贈賄加幣王人接踵王丞相書云此之美事耳目之所未經歎尚無極故遺專使公善於撫馭長於接引由數亡奔苞苴不行示人赤心與人顏色盜不敢發民不忍欺至是將校耆老於州城之南起清政之樓勒賢臣之頌杜鎮南之作牧當世樹碑實車騎之臨戎生平刻石方之今日彼獨何人于時戶口日增荒萊畢墾華實紛敷黎茂豫但恐衮職有闕

待公而補鼎鼐未和須公而正是以漢民陰望荆南杞梓並皆上書請關連名乞留河內之借寇恂更懸高帝交州之請士燮還著上表九年授車騎大將軍儀同三司十二年除大行臺向書仍爲大丞相司馬以公議度嚴明志節清儉遂改公名儉字慶明非開書月詎待看碑幸得千畝不同二山亡廢十三年加開府餘官如故十四年除尚書右僕射加侍中進驃騎大將軍居上星執法在文昌之位以公才望兼而有之十五年更除東南道行臺僕射都督十五州諸軍事行荊州事十六年大丞相摠十六軍討清河洛

奇賞彙編

卷三十三

主選集

公又中分麾不參謀帷幄高選霸僚公爲長史其年加都督南道三十六州諸軍事餘官如故南陽文學更遇王基章華袞衣還迎郭賀昔日伐蜀之謀張儀與秦昭計合平吳之利羊祜與晉武意同大祖始定成都卽有江陵之志公密獻其策懸符深旨糧運久積梯衝立備一戰而舉鄢郢再戰而燒夷陵遂得席卷三荆此又公之勲也詔賞奴婢三百口太祖與公書云由公立計果何所謀公頃自鎮江陵以安蜀地後魏二年改武川昌寧郡開國公歷陽居民非唯景丹之封曲逆戶口豈但陳平之國其年授大將軍太

和之中曹與於府內受冊元封之末衛青於軍中即
拜公之此比緯有餘榮詔曰吳人未復須助謀謀今
使梁王兵馬受公節度三年加都督東南道五十二
州諸軍事增邑萬戶維周革命光宅欽明作貳大官
允諧邦治元年授小冢宰保定二年治蒲州刺史檢
校六防諸軍事四年治襄州仍授柱國大將軍餘官
如故秩登四岳階平六府豈不功重昭陽名高蔡賜
愷駉五十州風行數千里拔園葵而去織婦無三惑
而絕四知一室之中未免虛白日膳之資三杯而已
詔乃賜贈綵一千段粟麥二千斛天和元年陝州刺

青實彙編

卷首主

室 遺集

史都督八州二十防諸軍事解荊州摠管餘悉如故
路出王宮城臨河曲成清陝右高視棠陰部領宴煩
晦明爲疾天和四年謝病故京薨于私第春秋七十
有八鑾蹕降臨軒懸輟樂九旒龍旂之賜三河騎士
之送詔贈太保涼夏霽銀長原河鄴甘瓜十州諸軍
事涼州刺史謚曰文公狀貌丘墟風神磊落玉山秀
立喬松直上烟霞之涯際莫尋江海之波瀾不測少
遭荼苦在山服終攀柏樹枯侵松獸效盡忠事國竭
力從政其門如市其心若水奇策密謀且僚仰止忠
貞亮直明主敬焉至如風后陰陽之占力牧星辰之

度魏公子之兵書李將軍之射法莫不成誦在心取
爲時用居常服玩或以布被松床盤案之間不過桑
杯石鼎遺令山陵一無所用公私贈襪並不得受止
依太祖陵側無忘事君墩等兄弟並至性善居喪號
墓墳塋奉遵遺訓是以衛青之塚仍培漢武之陵管
仲之墳即接齊桓之墓天和六年天子以四海未寧
三方鼎峙有懷將帥之志言念封疆之臣既畫雲臺
乃題麟閣更贈公爲鄴國公邑五千戶追崇列辟事
極神鬼再改銘旌恩隆封墓公在民留愛身後見思
吉日良辰郊祠野祭儀同趙迢等六百九十七八表

青實彙編

卷首主

室

求立廟陳請象親有詔許焉桂棟杏梁綠墀青瑣按
歌會舞鳳蓋電裳南浦送而有雲東風颭而零雨是
知漢陽郡前非徒武侯之廟臨淄城下豈獨樂公之
社嗚呼哀哉乃爲銘曰
道鍾屯剝世屬雲雷卷軸左轉天關北開客車周室
繫馬秦臺乃齊七政步答三才烈祖燮諧九龔梁棟
取才逢獵求賢入夢匡贊官雲謀猷絕鳳律定公族
珪分職貢乃維嗣惠寔秉英靈身圖斗宿面繞樞星
青衿敬業童子離經信陵虛右千木分庭忠孝純深
樞機周密孔光不言曹參勿失溫席扇枕承顏悅膝